

Arrpa' anaref allohuen allpon derechos ñeñf e'ñe po'ñoñh yocop ñeñfcha' atef yepa'yena allohueney acheñeneshay ama't erraparen arr patsro

Ahuaf añ fecha 10 de diciembre 1948 ñeñf Asamblea General de las Naciones Unidas, ñetpa' quellquët ora allpon derechos ñeñf e'ñe po'ñoñh yocop allohuenacpay acheñeneshay ama't erraparen arr patsro. Allochñapa' orrtachet añ ñoñets ñeñf atef anaref derechos; ñeñfpa' ñeñfara orrtetsa arr añ pañllo. Allempo o' orrtachet añ papell ñapa' otyesan ora allohuen anetsoçhno ñeñf orrtatene Naciones Unidas, ñorretepa' afoch epa'hua añ ñoñets erraparen arr patsro. Orrtachetepa' erracmañen allcha' lleya'yeset ora allpon pa'namen acheñenesha' arr patsro. Namã yechatyesetepa' añ derechos ora allpon escuelaçhno ñamã ora allohuen anetsoçhno ama't erroñeneta po'gobiernoret.

Ñeñf ñanom

Yapa' yeñoteñ ñerra'm yemneñ o'ch yeyçhena e'ñe cohuen aña patsro, ama yemneñe o'ch eñalleta ñeñfcha' yepatare'tene' ñeñf yocñen ya; ñamãia ñeñf cha' ya'mçha'noçhtana'tenaya ama yemneñe o'ch orrta.

Ñerra'm yemneñ o'ch e'ñe pocte' es yepanna'ta ñamã ñerra'm yemneñ o'ch e'ñe cohuen mueche'f yeyçhena aña patsro, añ poctetsa o'ch yeñotua. Añto ye'ñalleyesa arr patsro e'ñe afeçma cohuen yesherba'yen allohueney ñeñfey yeçha'yetsa aña patsro, amach eñalle ñeñf atsenatpo' entenet.

Ñamã allohuenacpay ñeñfey arromñañey e'ñe afeçma eñall ñeñf otenet derechos ñeñfcha' e'ñe cohuen yocshatene' aña patsro. Ñeñfpa' ama't eseshapa' amach puerratañperryeto ama't errponaña. Tarraña yeñoteñ ahuatñeñ ñerra'm esempo acheñenesha'pa' ama esoye eñchete'fe añ derechos, ñetpa' erroñuanen pa'yesete'f po'potantañ ñeñf tsena'tenet. Ñeñfpa' yeñoteñ yeyoçhro ama añaapahuoyaye. Namã yeñoteñ añ atarr cohuen allohuenacpay ñerra'm chap allempo allohueney e'ñe cohueno'tsa'yeney arr patsro. Tarro'mar ñerra'm atef yocsha'yena arr patsro amach es ya'mçha' - nochtana'tenaye, amach eñalle ñeñf cha' yemueroçhtatene'. Ama't allempo es yeños po'poñ ñeñf cohuen yenten ya, amach eñalle ñeñf cha' yote' eso'marfe' peñen po'poñ coñaññats. Ñerra'm yapa' yame'ñeña po'poñ ñeñf cohuen yenten ya amach eñalle ñeñfcha' yepatare'tene'.

Ñeñf o'mar yeñoteñ e'ñe pocte' o'ch yene' ñoñets afoch yeñotatanna'tyena ora allpon añ derechos afoch allohueney e'ñech cohuen yentannena allochñapa' amach eñalle achen ñeñf amueroçhtatareñtetsa. Allochñapa' amach orrtateneto añaññats ñeñf atef amueroçhtatarettenet.

Ñamã yeñoteñ e'ñe pocte' e'ñech cohuen yamo'tstannena po'poñ acheñenesha' ñeñf yeçha'yetsa po'poñ anetso'mar arr patsro.

Ñamã yeñoteñ allohuen allpon pa'namen anetso'marnesha' ñeñf orrtatene ñeñf otenet Naciones Unidas, ñetpa' ñeñfa e'ñe cohuen entenet ñet.

Ñeñfo'mar ñet nenet ñoñets all quellco añto allohueney arromñañey ñeñfey eñalleyetsa arr patsro e'ñech afeçma cohuen yesherba'yen ñamã allohuenacpay afeçma eñall ñeñf otenet derechos afoch e'ñe cohuen yocsha'yena arr patsro allohueney ama t coyaneshohuen. Ñeñf o'mar ñetpa' añ e'nenet o'ch orrtatenet ñeñf cohuen sherbets allohuenacpay acheñeneshay arr patsro. Allochñapa' afoch allo'na yesen yenpanna'tnomtsa afoch yocsha'yena e'ñe cohuen arr patsro o'ch yechyen ñeñf yepallta'yena ñamã amach eñalle ñeñf amçha 'noçhtana 'tenaye, e 'ñech cohueno 'tsa 'yeney.

Ñamã yeñoteñ allohuen pa'namen anetso' marnesha' ñeñf orrtatene' Naciones Unidas ñetpa' net po'ñoñ afoch ñorra'yeset afoch ame'ñachet allohuen acheñenesha' ñeñf erraparo'tsa'yenet añ patsro, allochñapa' afoch e'ñech cohuen entuenet añ derechos ñamet; ñeñfpa' allohuenacpuet

e'ñech cohueno'tsa'yenet.

Ñamã yeñoteñ ñerra'm po'ñoçh e'ñech cohuen yetsotuer e'ñe atẽ yene' yeñoñ añ poctetsa o'ch yeñotatanna'ta añ derechos ñeñf allohuenacpay allochñapa' e'ñech cohueno'tsa 'yeney.

Ñeñto'mar ñe'pa'

ASSAMBLEA GENERAL ñeñtara Naciones Unidas arrpa' orrtatenet

ORA ALLPON DERECHOS NENT ALLOHUENACPAY NENTHEY PA'NAMENEY ACHENENESHAY. Allochñapa' añtoch allohuen çhocmach yeyerpa'yena allohuen derechos ñeñf aquellcarẽtetsa arr. Ñamã çhocma yeyçhach po'potantañ añtoch ñetpa'çho'ña e'ñech cohuen añcha na'tpo' entuenet ñamet añ derechos. Allochñapa' añtoch ama't erracmañen arr patsro eñotueretcha' añ derechos ñamã po'ñoçh atẽcha' cohuen yemorrentanna'tuerra. Ñeñtpa' añepa'ch perra arr yepatsño ama't ñamã ora erraparen po'potantañ anetso'mar arr patsro. Añepa'ch perra allohuen anetso'marnesha' ñeñf orrtatene' Naciones Unidas ama't ñamã po'potantañ ñeñf yenpuenet ñet. Allpon derechos ñeñf yechyen añtoch e'ñech cohuen yeyçha'yena arr patsro ñeñtpa' añeçhno:

Coñapñats 1.

Allohueney ñeñtey arromñatey añto ye'ñalletesya arr patsro e'ñe añecma cohuen yesherba'yen. Ñamã yechyen allpon derechos añtoch e'ñech cohueno'tsa'yeney arr patsro. Ñamã allohuen añecma yechyen alloch yocñape' chyen cohuen ñamã yeñotyen yeyoçhro ñeñf e'ne pocte' enten acheñenesha' ñamã ñeñf ama pocteye' enteneto. Yeñoteñ añ poctetsa e'ñe yemo'nasheñ yepannena ama't ora allohuen allpon acheñenesha' ñeñf añe patsro'tsa'yeney.

Coñapñats 2.

Ora allohuen allpon acheñenesha' ñeñf añe patsro'tsa'yen, añecma echyenet añ derechos añtoch e'ñe cohuen yeyçha'yenet arr patsro. Allohuenet añecma echyenet añ derechos ama't erra'tsenñe' po'mreñtsoret penet, ñamã ama't erroñena orrtatenet, ama't quelluareret ama't ñamã ñeñf huallamañareret, ama't coyaneshohuenet añecma echenet añ derechos. Ñamã ama't erra'tsenñe' ñeñf po'yomporer penet ñamã ama't erra'tsen coñape'chyenet ñeñf cohuen entyenet po' gobiernocop ama't po'poñ poñapñar e'ñe añecma echenet añ derechos ñeñf allohuenacpay ñeñtey arromñatey arr patsro.

Ama't ñeñf huocchañetets arr patsro, ñeñf ama es echyetso arr patsro ñeñf ama esoye' enteneto, ñetpa'çho'ña e'ñe añecma echenet añ derechos ñeñf allohuenacpay ñeñf ey arromñatey. Ñamã añecma echenet añ derechos ama't erra'tsena anets all yeyçha'yenet ñamã ama't erroñen po'gobierno echenet all pa'netsro. Ama't po'gobierno añcha'noçhtana'tanetañ amapa' e'ñe cohueno'tsa 'yenet e'ñe añecma echenet añ derechos ñeñf allohuenacpay ñeñtey arromñatey arr patsro.

Coñapñats 3.

Allohueney yechen derecho o'ch yocrrena arr patsro amach eñalle ñeñtcha' añcha'noçhtana'tenaya. Elloña eñall ñeñtcha' yemoñenaya.

Coŧapññats 4.

Ama't puesheñarraya acheñey amach ataruasatarẽyeye e'ñe aña. Amuepa'ch pomueñeto acheñ ñeñtcha' taruasatenet e'ñe aña, ama't erroña.

Coŧapññats 5.

Ama't puesheñarra amuepa'ch amuerochtatarẽteno ene aña, amach atserrpãreñteneto atẽ ñerra 'mrraẽ' berr atserrpenet.

Coŧapññats 6.

Ora allpon leyes ñeñ anarẽ'tyetsa allohuen acheñenesha'cop ñeñtpa' ñeñtcha' a'pocatyenahuet ama't puesheña'ttset ñerra'm esempo echyenet problema.

Coŧapññats 7.

Amach eñalle acheñ ñeñtecop ama sherbeno añ leyes ñeñ atẽ anarẽ. Añtecmach yenpuenana ama't allohuen acheñenesha', amach eñalle acheñ ñeñ ama amorrentarẽyeye. Ñaña añ derechos ñeñ aquellcarẽ arr, ñeñtpa'cho'ña añtecmach allohuenacop ñeñtcha' moñenaya ama 't erra'tsena acheñer ñerra'm esempo eñall ñeñtcha' puerratañpsahuetañ añ derechos.

Coŧapññats 8.

Ñaña ñerra'm esempo esesha'pa' mueneneñ o'ch puerratañpsan acheñenesha' añ derechos ñetpa' e'ñe pocte o'ch e'nenet autoridades ñeñtcha' a'pocattarrahuet ñeñ atẽ anarẽ po'leyes ñaña po'constitución.

Coŧapññats 9.

Amuepa'ch arrmatarẽteno acheñ e'ñe aña. Amuepa'ch yottañpesyeneto acheñ e'ñe aña. Amuepa'ch mueño ' teneto acheñ bañhaya allcha' muerochtana.

Coŧapññats 10.

Ñaña allohuen acheñenesha' ama't esesha' ñerra'm esempo otteñe'charẽttena ñapa' echenancha' derecho o'ch a'pocater ñoñets e'ñe cohuen juezesho. Juezpa' e'ñech cohuen o'ch eñoch ñerra'm po'ñoñ atẽ o' ñohua. Amach e'ñe aña atserrpeñeto. Ñaña ñeñ otteñe'charẽttetsa juezpa' o'ch eñotach ñeñ derechos echen ñaña ñeñ po'deberes. Amach es a'nahua o'pateñeto ama't puesheñarra acheñ.

Coŧapññats 11.

Ñaña ama't esesha' ñeñ otteñe'charẽttetsa allo'tsen autoridades, amuepa'ch ahuen otatsteto autoridades añ acheñ po'ñoñ atẽ o' ñohua. Añcha' ñanom e'ññochetepa' ñeñtcha' yenpuene' ñeñ otteñe'charẽttetsa. E'ñech cohuen acoña eñochet po'ñoñtẽ atẽ o' ñohua. Ñeñtpa' atẽtcha' penet allo'tsa'yen shonte' acheñenesha', amuepa'ch a'nahua o'pateñeto.

Ñaña añecpuepa'ch coñchachet acheñ ñeñ aĩpare'tene' ñoñets ñeñ atẽ anarẽ e'ñe allempto. Ñaña ñeñ atẽ anarẽ ñeñtcha' atẽ coñchachet

acheñ ñerra'm aĩpare'chet añ ñoñets ñeñf atẽ anareĩ ñeñtach coñchachet allempo. Amuepa'chña aña'na coñchateñeto acheñ ñeñf ahuaĩtoẽ atẽ petsa allempo ama eñalle ley ñeñf otets atẽcha' sepa. Ñaña añach coñchatenet ñeñf aĩpare'tene ley e'ñe atẽ anareĩ. Amachña aña'na coñchatenet aton ñeñf ama aĩteye' anareĩtena allempo aĩpare'tena.

Coĩapñats 12.

Ñaña ñeñf e'ñe yocpa atẽ ñerra'm yepaquell ñamia yamo'tsesha' ñeñf parro yeychena ñaña allohuen ñeñf yechen ñeñtpa' e'ñe yocpa. Po'potantañpa ama pocteyaye o ch be'loset aĩtoch o'patapretenyet ñeñf e'ñe yo. Ñaña amach asasaretpahuoyaye, ñaña amach asochatse'tpahuoyaye. Ñaña allohuen ñeñf asasareĩtetsa e'ñe aĩta ñaña ñeñf asochatse'tareĩtetsa e'ñe aĩta, ñetpa' echenet derecho o'ch moñenanet añ ley ñeñf atẽ anareĩ.

Coĩapñats 13.

Ñaña allohuen acheñenesha' echenet derecho o'ch chope'chyeset ama't erra sechyenet allohuanen puen Estado alı yechenet.

Ñaña echenet derecho ñerra'm monenet o'ch salerret ama't erra'tsena Estadof ama't ñerra'm muenenet o'ch salerret ama't ñet pue'stadoĩpa e'ñe pocte'. Ñaña echenet derecho o'ch chaacherret pue'stado ñerra'm esempo monenet.

Coĩapñats 14.

Ñaña ñerra'm esempo amuerochtatareĩta ama't puesheñarra e'ñe aĩta poctãpño'maret ñetpa' echenet derecho o'ch yeterret, ahuerret po'poñ anetso allcha' agapareĩtterret e'ñe cohuen.

Tarraña ñerra'm acoñchatarẽttet tãro'mar o' muetset acheñ amapa' aĩpare'tet po'poñ leyes amapa' añ derechos ñeñf nen Naciones Unidas ñerra'm ñeñtecop acoñchatarẽttet amach agapareĩtteto po'poñ anetso.

Coĩapñats 15.

Ñama allohuen acheñenesha' echenet derecho ñeñtcha' pa 'netser penet.

Ñaña amach errotenof puerrataĩpseto acheñ po'derecho aĩto pa'netser penet. Tarraña ñerra'm esesha' mone' o'ch yecha'huerret po'poñ anetsro ñeñtcha'pa'netser perr allempoẽ ñeñtpa' e'ñe pocte' ñeñtpa' po 'derecho.

Coĩapñats 16.

Ñaña allohuen acheñ ñeñf po'nare' ñerra'm muenen o'ch sena'ta ñaña coyanesha' ñerra'm muenen o'ch some'ta, ñeñtpa' e'ñe pocte' ñeñtpa' po'derecho. Pocte' o'ch yoranna'tet aĩtoch chemere'tet. Ama't esesha' muenats e'ñe pocte ama't erra'tsenĩe' po'mreĩtsoret penet, ama't erra'tsenĩe' ñeñf pa 'netser penet, ama't erra'tsenĩe' po'yomporer penet. Ñaña coyanesha' aĩtecma echenan derechos ñeñf echen yacmanesha' ñerra'm esempo o'ch some'ta. Ñama allponmat yoranna'tet coyanesha'pa' ñeñtecma derechos echen ñaña ñerra'm sannerretpa' coyanesha'pa' aĩtecma echenan derechos.

Tarraña ñerra'm esesha' ama muenenaye o'ch yoran po'psheñeñ ñeñícha' puerrollar ña' amapa yacma ama mueno ñeñícha' puetāpor ña', pamo'mte'pa' amach erroñenoñ apano po'psheñeñ yacma e'ñe ña po'huamencoñ ñerra'm coyanesha' ama mueneñe.

Ñaña ñeñí yeçhetsa parro pa'paclo ñeñí pamo'tsna'tar ñannena ñeñípa' e'ñe pocte' atē yeychen arr patsro. Ñeñí'mar ñeñípa' gobiernocop o'ch cohuañpenan allohuen familias ñeñí parro yeçha'yenet.

Cotāññats 17.

Ñaña allohuen acheñenesha' echenet derecho o'patetepa' ñeñí e'ñe ñocmuēt, atē ñerra'm pa'paquell, po'patseñ, payara. Ñaña e'ñe pocte' o'ch o'pataprecha po'potantañ ñeñí parrocoma taruasa'yenet.

Ñaña ama aprratañpesahuoyaye e'ñe aña ñeñí yo'patena ya atē ñerra'm yepaquell, yepatseñ, yayara.

Cotāññats 18.

Ñaña allohuen acheñenesha' ama't erra'tsena acheñer echenet derecho o'ch cotāpe'chyenet ñeñí e'ñe cohuen entenēt ñet pueyoçhreto. Ñaña allohuen acheñpa' echenet derecho o'ch po'yomporer peñet ñeñí e'ñe cohuen entenēt ñet. Ñaña ñerra'm esempo muenenet o'ch po'poñet po'yompor-ret, ñeñípa'cho'ña e'ñe ñocpuet po'derecho. Ñaña e'ñe pocte' o'ch apcha'yenet epuet po'potantañ ñeñí parrocoma ame'ñenet. Ñaña e'ñe pocte' o'ch yeçhatyesan po'potantañ ñeñí muenene' o'ch eñoteret ñamet. E'ñe pocte' o'ch etsoteñet ora añoch sherbeñet po 'yompor-ret.

Cotāññats 19.

Ñaña allohuen acheñenesha' ama't erra tsena acheñer echenet derecho o'ch serrpare'tatanna'tyeset ñeñí atē cotāpe'chyenet ñet ñeñí cohuen entyenet ñet. Amach e'moñe'tarēteye añto yapa yocñen añ derecho. Ñaña e'ñe pocte' o'ch e'nyenet añoch eñoteret erra'tsenñe' cotāññatser ñeñí cohuen entyenet ñet. E'ñe pocte' o'ch agapyenet añ cotāññatser pueyçhateña, ñaña e'ñe pocte' o'ch eñotachet po'potantañ ñeñí atē pena añ cotāññats. Ama't erroñenot eñotachet po'potantañ acheñ, ñeñípa' e'ñe pocte' ama't po'quellcoñ ama't radioñ ma't erroñenota. E'ñe pocte' o'ch çhapatyaset ñeñí cotāññats po'poñ anetso'mar.

Cotāññats 20.

Ñaña allohuen acheñenesha' echenet derecho o'ch apcha'yenet ora allohuen ñeñí parrocoma ame'ñenet ñerra'm e'ñe cohuen mueche't serrpare'tanna'tyenet añ poctāññet.

Ñerra'm esesha' ama muenenaye o'ch cotāpe'chet e'ñe parrocoma po'potantañ poctāññet, ama pocteyaye ñerra'm po'potantañ po'huamencotētpa' o'ch ame 'ñatateñet ñeñí ñet poctāñña.

Cotāññats 21.

Ñaña allohuen acheñenesha' ama't erra'tsena acheñer echenet derecho o'ch cotāpe'chatyeset ñeñí pa'mcha'tarēferneshet. Ñaña allohuen acheñenesha' ama't erra'tsena acheñer echenet derecho o'ch votet añecop ñeñícha' sherbats gobiernocop.

Ñaña allohuen acheñenesha' ama't erra'tsena acheñer ñeñĩ muenene o'ch taruasapretan gobierno allohuenet e'ñe añecma echyenet derecho.

Ñaña erra'tsenĩe' coñapñatser ñeñĩ cohuen enten acheñenesha' ñerra'm shonte' acheñ ñeñĩ atef muenenet, atẽcha' perra po'gobierno. Ñaña añoch eñochet este' po'ñoñ muenen allohuen acheñenesha' eñalletepa'ch elecciones ama t erroñenoña; allcha' vota'yenet añecop ñeñĩ e'ñe cohuen entyenet ñet. Ñaña ñeñĩpa' e'ñech a'nahua vota'yenet añoch po'potantañpa' amach erroñenoñ po'huamencoñeyey' votatenaneto ñeñĩ atet muenenet ñet. Ñaña allohuen acheñenesha' e'ñe pocte' vota'yeset añecop ñeñĩ cohuen entyenet ñet.

Coñapñats 22.

Allohuen acheñenesha' ama't erra'tsena acheñer echenet derecho o'ch agapueñet seguridad social ñeñĩ atef yenpuenanet po'gobierno ñerra'm esempo machayofa es pasahuet. Allochñapa' añoch amach tama penca'yeneto, e'ñech añera cohuen orrtatyenet. Ñehua, ama't erra'tsena anetser a'pochtatanan pa'cheñeneshar añ derechos ñeñĩ otenet seguridad sociales.

Coñapñats 23.

Ñaña allohuen acheñenesha' ama't erra'tsena acheñer echenet derecho o'ch taruasa'yeset añoch gana'yeset quelle. Ñaña e'ñe pocte' erra'tsenĩe' taruas muenenet allcha'ña taruasa'yenet. Ñaña ñeñĩ taruasatenahuet e'ñepa'ch cohuen apa'yesanet allcha' taruasatyesanet. Ñaña amuepa'ch huañapeseto po'taruaset añoch amach pallteneto quelle.

Ñaña allohuen ñeñĩ añecma taruasa yetset allponeshacmuetepa'ch gana'yenet quelle. Arepa'ch eñalle ñeñĩ ama amorrentarẽyeyaye.

Ñaña allohuen ñeñĩ taruaset atsa'tatareñtetepa'ch allpon ñeñĩ poctetsa allochñapa' añoch cohuen yeñcha'yenet pamo'tseshohuen amach tama penca'yeneto puepallteñoñet. Ñerra'm allpon gana'yenet ama alcanseno añoch yora'yeset ñeñĩ allpon pallta'yenet eñalletepa'ch seguridad social ñeñĩcha' yenpa'yenahuet.

Ñaña allohuen ama't erra'tsena acheñer echenet derecho o'ch parrocmatet epuet sindicato ñeñĩcha' moñenahuet ñeñĩ e'ñe ñocpueta all taruasa'yenet.

Coñapñats 24.

Ñaña allohuen ama't erra'tsena acheñer echyenet derecho o'ch amesa'yenet allpon horas ñañia allpon yeñ. Amach ellapenete'fe arepenete'fe taruasatset. Ñaña amesyesetepa'ch allponmat ñeñĩ vacación, atsa'tatareñtetepa'ch ama't allponmat echenet vacación.

Coñapñats 25.

Ñaña allohuen ama't erra'tsena acheñer echyenet derecho o'ch echyenet allpon añoch yeñcha'yenet cohuen arr patsro ama't pamo'tseshohuen añoch yora'yenet puerrar, pa'shtam, pa'paquellet ñaña añoch partatyenet ñaña añoch yenpa'yenanet po'potantañ pamo'tseshañcho. Ñaña ñerra'm palltapesyenet po'taruaset alloch gana'yenet quelle echyenet derecho o'ch ayenpareñtet. Amapa' ñerra'm atsna'tyenet añoch ama taruaseneto allponmat echyenet derecho o'ch ayenpareñtet. Amapa' ñerra'm machayota atserpenet, amapa' ñerra'm rreñormanesha' amapa'

ñerra'm po'nme'ten amapa ñerra'm esempo es huapoya echyenet derecho o'ch ayenpareñtet.

Ñamã allohuen ñeñf achoyoreshai ñamã allohuen cheshaneshachño ñetpa' echyenet derecho o'ch acuañpsareñtyenet ama't ñeñf ellopnanesha' ñamet.

Coñapñats 26.

Ñamã allohuen ama't erra'tsena acheñer echyenan derecho o'ch estudia'yeset escuela. Ñamã añoch estudia'yeset escuela amach cobraneto ñeñf Primariacop. Allohuen cheshaneshash' atef anaref ñocpuet chocma estudienet Primaria, ñeñf obligatoria. Ñamã eñalletepa' escuelas allcha' estudia'yenet ñeñfcha' po'taruas penet ñamã eñalletepa' escuelas allcha' estudia'yenet estudios mas avanzados ama't añecop ñeñf atarr ñorretsa ñeñf atarr es eñotets.

Ñamã añecop sherben año yeñhateñet cheshaneshash' añochcha' eñotyenet ñeñf atarr sherbets arr patsro añoch e'ñech cohuen eñotatyenan po'potantañ acheñenesha'. Allochñapa' añochcha' amach muena'yeneto o'ch puerratañpsanet po'potantañ po'derechos añoch muerochtatanet. Cohuencha' yeñotatanna'tyena ama't pa 'namen acheñenesashay. Cohuencha' ya'huanten po'potantañ ñeñf po'poñ cotãpe'chyenet ñet. Ñamã chocmuepa'ch yamo'ts yeñanna'tyena ama't pa'namen anetsochño all yeycha'yena, ama't pa'namen mereñtsorechño ñeñf parro ye ñalletyesa, ama't pa'namen yeyomporer yeñayen. Añecop yeychach cheshaneshash' cohuen añoch e'ñech cohuen torrayerret ñamet añecop ñeñf cohuen enten Naciones Unidas allochñapa' añoch allohueney e'ñech cohuen mueche'f yeycha'yena arr patsro.

Ñeñf chesha' ñeñf ama po'nena' pamo'mtepa' echenan derecho o'ch mueñanet erra'tseñte', escuela ñeñf cohuen enten pamo 'mte.

Coñapñats 27.

Ñamã allohuen ama't erra'tsena acheñer echyenan derecho o'ch tñorra'yenet ñeñf atef yeñcha'yenet ñet, ñeñf cohuen entyenet ñet. ñamãia e'ñe pocte' o'ch cosha'yeñet po'taruas ñeñf coñhnesha' entyenet ñet. Ñamã ñeñf eñotyenet ñeñf atarr sherbets alloch progresayenet cientifico'marecop, ñeñf pa' ñeñfcha' yenpuenahuet alloch ello atarr cohuen yeñcha'yenet arr patsro.

Ñamã ñerra'm esesha' yeñchatene' ñeñf atarr sherbets allohuenacop atef ñerra'm ñeñf cientifico'marecop amapa'ñerra'm libro ñeñf que lquenet allohuenacpuet amapa'erra'tsen po'taruas ñeñf atarr sherbets allohuenacop, ñapa'echenan derecho añoch ganena quelle po'taruasof ñamã echenan derecho añoch coshapreteñet po'taruas, amuepa 'ch aprratañpsareñtena po'derecho.

Coñapñats 28.

Ñamã ora allpon derechos ñeñf aquellcaref arr, allohuen ama't erra'tsena acheñer echenet derecho o'ch e'ñe atef perret. Ñeñto'mar añ poctetsa patetets anetso orrtatyesetepa' pa'namen cohuen proyectos añoch acheñenesha'pa' entyerret ora allpon po'derechos.

Coñapñats 29.

Ñamã allohuen ama't erra'tsena acheñer echenan po'deberes po'potantañecop ñeñfara pamo'tsesha' ñeñf parro yeñchenet pa'netsro. Ñeñf

deberespa' ñeñtpa' atfo e'ñe cohuen yeyenpannena. Ñerra'm atẽ yeperra e ne all yamo'tsesheshopa' e'ñech cohuen yeychen aŧoch yetsotuerr ñeñ e'ñe cohuen puesheña'ttsocpay.

Ama't yechyeneñ shonte' pa'namen derechos ñeñtcha' yorrtatyen, ŧarraña amach aña yorrtatatsto ñeñt aŧo erroťuanen yepẽ po'psheñeñ. ŧarro'mar ñeñtpa' ama aŧapahuoyaye ñeñt atẽ oteneŧ ley ñeñt anareŧ. ŧarro'mar ñerra'm erroťuanen yepẽ po'psheñeñpa' aŧoña yeprrataĩpeñ ña po'derechos. ŧarraña ñerra'm e'ñe cohuen yeyenpannena ñaña e'ñe mueche't yeychena, ñeñt pa' ñeñt a poctetsa. Ñeñtpa' chocmach yorrtaten ñerra'm yechen gobierno democrática all aŧcha 'tareťtapreteñet allohuen acheñenesha'.

Ñaña ama't shonte' pa'namen derechos yechyen ñeñt anareŧ arr, yapa' amach yorrtatatsto aŧ derechos añecop ñeñt ama pocteye' enteñe Naciones Unidas. Añcha'ña yorrtaten ñeñt cohuen enten Naciones Unidas.

Cotaŧñats 30.

Ora allpon derechos ñeñt aquellcareŧ arr, ama't paŧra derecho amach ahuapore 'tpahuoyaye ama't erroťena.